



Broj: 10-2997/15

Sarajevo, 30.07.2015. godine

***Predmet: Obavijest o propisima u pripremi***

U okviru aktivnosti na implementaciji Strategije za uvođenje Bazela III Agencija je pripremila nacрте sljedećih odluka iz domena Pilara 1 i Pilara 2:

- 1) Odluka o izračunavanju kapitala banaka – Pilar 1;
- 2) Odluka o upravljanju rizicima u bankama – Pilar 2;
- 3) Odluka o procesu interne procjene adekvatnosti kapitala u bankama sa pripadajućim Izvještajem o primjeni ICAAP-a – Pilar 2;
- 4) Odluka o velikim izloženostima – Pilar 2;
- 5) Odluka o upravljanju kamatnim rizikom u bankarskoj knjizi – Pilar 2.

Prelazne i završne odredbe u nacrtima navedenih odluka će biti predmetom daljeg razmatranja i usaglašavanja.

Ovaj nacrt podzakonskog okvira usklađen je sa regulatornim okvirom Evropske unije u onoj mjeri koliko je moguće, obzirom na specifičnosti tržišta u BiH, odnosno sa novim paketom propisa koji je Evropski Parlament i Vijeće Evropske unije donijelo 26.06.2013. godine - Direktivu o kapitalnim zahtjevima - CRD IV i Uredbu - regulatorni okvir za kapitalne zahtjeve - CRR (Capital Requirements Regulation):

- Direktivu 2013/36/EU o pristupanju djelatnosti kreditnih institucija i o bonitetnom nadzoru kreditnih institucija i investicijskih društava, kojom se vrši izmjena i dopuna Direktive 2002/87/EZ, a ukidaju Direktive 2006/48/EZ i 2006/49/EZ, i
- Uredbu EU br. 575/2013 o bonitetnim zahtjevima za kreditne institucije i investicijska društva o izmjeni Uredbe EU br. 648/2012.

U skladu sa strategijama entitetskih agencija za bankarstvo ovaj nacrt podzakonskog okvira u ovoj fazi ne sadrži napredne pristupe za izračunavanje kapitalnih zahtjeva za kreditni, operativni i tržišni rizik, kreditne derivate, transakcije sa OTC derivatima, strukturane finansijske instrumente, sekjuritizacijske pozicije i sekjuritizovanu imovinu, kao ni određene segmente koji nisu primjenjivi za tržište BiH.

Navedeni nacrt podzakonskog okvira je dio regulatornog okvira Evropske unije po pitanju nadzornog izvještavanja banaka (COREP obrasci), koji se mogu naći na zvaničnoj web stranici <http://eur-lex.europa.eu>, vezano za sljedeće uredbe:

- Provedbena uredba Komisije (EU) br. 680/2014 od 16. aprila 2014. o utvrđivanju provedbenih tehničkih standarda o nadzornom izvještavanju institucija u skladu s Uredbom (EU) br. 575/2013 Evropskog parlamenta i Vijeća (Službeni list EU L 191/2014);
- Provedbena uredba Komisije (EU) 2015/227 od 9. januara 2015. o izmjeni Provedbene uredbe (EU) br. 680/2014 o utvrđivanju provedbenih tehničkih standarda o nadzornom izvještavanju institucija u skladu s Uredbom (EU) br. 575/2013 Evropskog parlamenta i Vijeća (Službeni list EU L 48/2015).

U narednom periodu nastaviti će se aktivnosti oko izrade nacrtu podzakonskog okvira po pitanju nadzornog izvještavanja nacrtu navedenih odluka koji se daju na javnu raspravu (kreiranje i definisanje obrazaca) u skladu sa naprijed navedenim uredbama.

Sa ciljem obavljanja pravovremene i sveobuhvatne javne rasprave unutar bankarskog sektora putem Udruženja banaka Bosne i Hercegovine (u daljnjem tekstu: UBBiH), nacrti predmetnih odluka su u printanom formatu dostavljeni 29.07.2015.godine UBBiH na javnu raspravu bankarskom sektoru u FBiH.

Rok za okončanje javne rasprave putem UBBiH za Odluku o izračunavanju kapitala banaka iz domena Pilara 1 je 30.11.2015.godine, a za preostale odluke iz domena Pilara 2 je 31.10.2015.godine, nakon čega će Agencija pristupiti razmatranju dostavljenih primjedbi i prijedloga. Navedeni rokovi podrazumijevaju objedinjavanje i sistematizovanje mišljenja, sugestija, primjedbi i komentara pojedinačnih banaka, članica UBBiH i dostavu jedinstvenog akta na nivou UBBiH, u koji će biti inkorporirana pitanja od zajedničkog interesa za bankarski sektor u cjelini (zasebno za Pilar 1 i Pilar 2).

U cilju harmoniziranja regulatornih propisa na nivou bankarskog sektora u BiH, u postupku javne rasprave sa bankarskim sektorom putem UBBiH zajednički će učestvovati entitetske agencije za bankarstvo.

Nacrti predmetnih odluka nalaze se na web stranici Agencije u okviru glavnog menija - Propisi u pripremi. U ovoj fazi nije provedena procedura lektorisanja sa ciljem utvrđivanja identičnog teksta na svim službenim jezicima u upotrebi u BiH, obzirom da se radi o nacrtima odluka u postupku javne rasprave, koji će biti podložni izmjenama i dopunama u skladu sa analizom dostavljenih prijedloga i sugestija tokom javne rasprave.

Za sve dodatne informacije koje smatrate potrebnim u postupku javne rasprave po predmetnim Odlukama, stojimo Vam na raspolaganju (kontakt osobe ispred Projektnog tima su: Suada Sarić, tel: [033/721-443](tel:033721443) ili e-mail: [suada.saric@fba.ba](mailto:suada.saric@fba.ba) i Tanja Pavlović, tel: [033/569-790](tel:033569790) ili e-mail: [tanja.pavlovic@fba.ba](mailto:tanja.pavlovic@fba.ba)).

URED ZA INFORMISANJE FBA